

# L'INSTITUT D'ESTUDIS OCCITANS COSSÍ FONCIONA ?



Document a destinacion de las associacions en ligam ambe l'occitan

L'Institut d'Estudis Occitans es una federacion d'associacions que s'espandisson sus tota la region lingüistica occitana e al delà. Òbra per la promocion de la lenga e de la cultura occitanas.

Es constituïda de cercles locals que trabalhan sus un parçan. Al nivèl departamental coma al nivèl regional, se trapa un IEO (associacion afiliada). Enfin l'IEO (dit IEO Federal) recampa tos los nivèls e s'inscriu dins las instàncias mai que mai nacionalas o los collectius de lengas regionalas.

## PERQUÉ UNA FEDERACION ?

Mai serem nombroses, mai aurem de pes dins la vida vidanta e al prèp de las institucions... Aquí perque l'IEO ensaja de federar lo mai d'estructuras possible. Per aquò far, 2 biaisess son prepausats : l'adesion o l'afiliacion.

### DE QU'ES UNA ASSOCIACION AFILIADA ?

L'associacion afiliada es partida prenent del malhum IEO. Los IEO departamentals e regionals devon èsser afiliats. Los cercles locals, eles, an la causida.

- Los estatuts devon èsser en conformitat ambe los estatuts federatius de l'IEO (validats pel Ministèri de l'Interior que l'IEO es reconegut d'utilitat publica).
- Los aderents de l'associacion afiliada pagan l'adesion IEO. Son membres de totes los nivèls : pòdon balhar lor vejaire e votar dins las instàncias de l'IEO (departamental/regional/federal) perque se fa una reparticion financièra de l'escotisson.
- Especificitat de la region Occitània/Pirenèus-Mediterranèa : los dorsièrs de subvencion son centralizats per l'IEO OPM e portats cap a l'OPLLO (Ofici public de la lenga occitana).
- Especificitat de la region OPM : una pagina dins lo guida de las associacions IEO de la region per presentar sas activitats (+ sul site [ieo-opm.com](http://ieo-opm.com)), ajuda grafica, ajuda a la gestion associativa, jornadas de recampament, talhièrs...
- Un bulletin associatiu, *Anem Occitans !*, es mandat a cada adherent.

### DE QU'ES UNA ASSOCIACION ADERENTA ?

Una associacion aderenta es una estructura que vòl sostèner lo malhum IEO e participar al movement.

- Los estatuts son liurament definites per l'associacion que tendrà una gestion democratica e transparenta.
- Es l'associacion que paga l'adesion e pas los sieus aderents ; los aderents son pas membres de l'IEO. Es l'estructura que pòt intervenir dins las instàncias de l'IEO (departamental/regional/federal).
- Especificitat de la region Occitània/Pirenèus-Mediterranèa : los dorsièrs de subvencion pòdon èsser portats per l'IEO OPM, jos condicion.
- Especificitat de la region OPM : las associacions aderentas son listadas dins lo guida de las associacions IEO de la region (+ sul site [ieo-opm.com](http://ieo-opm.com)), ajuda grafica, ajuda per la gestion associativa, jornadas de recampament, talhièrs...
- Un bulletin associatiu, *Anem Occitans !*, es mandat a cada associacion aderenta.

## E VOSAUTRES ? DE QUIN BIAIS ANATZ JÚNHER LO MALHUM ?



IEO OPM - 11 rue Malcousinat 31000 TOULOUSE  
09 62 56 09 91 • [contact@ieo-opm.com](mailto:contact@ieo-opm.com)